

POKOT Heart Book
Cell phone format

MUKULOU PTANGENG MOT



COPYRIGHT

ISBN 978 - 1 - 920322 - 80 - 9

E-MAIL: info@angp.co.za

**ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.**

**(A Gospel Literature Mission financed by donations)
(Reg. No. 1961/001798/08)**

MUKULOU PTANGENG MOT

NGAL CHO TONG'OGHOCH PARAKU

PUKUNETE

Pukunete tungeto kiporunot, kikusura koro Ufaransa konyi 1732. Ngutote le kiyo nyopo Sopon Po Ptangengmot. Anta Puku Mukulogh. Ompo Paraku nyiighin, nyo. Po man nko oliot nyo Po kirurut cho Tuliloch, cho mi orii. Kikewaghach Pukunete ompo kutuwa Puntan cho chang cho Po antakwagh, akuchomunot kumil Pich lapai nko kighonut lachin.

Tungeto Pukunete asil nko kinonut chopo Pantu. Kulenyona nyu, chamate ompo keston cho chang. Akisuwa Pich cho chang man nko ayomis Po Tororot, ompo Kisilata kony, nyo kitena kisilata-nyo rel. (Exekel 36:36; Eprania 8:10). Ompo wolo okonokwa Sopon, atonun Mukulogh nyo rel orinkwa. Kule nyona nyu omuchekwa, cho chang otume tum nyo rel, nyo lendoi, kikupar Yeso, akwompo kisunkachi kisorwecha, kungetuno Puntan lakau. (Ngangat 5:9).

Ayo wei, Imuchenyi Soghe nya, aitoto Pukunete tokungarach Pich, Kiyonu, Po mukulogh?

J.R. Gschwend.

MUKULOU PTANGENGMOT

Kopo Tororot nya anta Kopo Onyot ?

1 Yoana 3:4-10.

Ompo Kisomonu.

Pukunete melo rel, kikusura koro Ufaransa otini le tagh, konyis cho le Pokoloi odeny cho kikuwer. Pukunete kisuwegha Pich cho chang lopoyun nko kisoyonot. Kupoghishegho le kiyo nyo roso kegh Muron nko Kor, wolo lata mukulis ko kwa, ompo Tau Tororot. Kikungarach Pukunete Pich cho chang kusuwa kegh chane wolo lata ompo Tagh Po Tororot, akukoto chane ngokikwa.

Otino Isomonenyi Pukunete ikany kupkochin lo, kiyo nyo irosonenyi kegh. Oto mechinyinye ghanate, anta kichuntanyi, Isuwuyenyi kegh wolo Ilatenyi. Mokulonye Pich Tororot. Rosoi mukulou chi orii omoruponye lo nen Sany.

Onyot ku Papoto Putu lachin, yetun Po tuwun aku Tororot Po nguny. Ighoi kegh le malaikayanta lopoyun, akwompo man melo malaikayan le wolo mwoghtoi Pich walak. Pich cholata choni mochomoi nye oto kipar wolo lata onyoto. Le oto kilata kony nko yee mito werkoi Po Putinton, chepolkostin cho woghochoi kegh le

kiyoghtoghi Yeso. Matangany ompo wolo woghokoi kegh onyoto le malaikayanta lopoyun. (2 Korinto 11:13-14). Kigh Pich Onyoto kukoro konyin nko kinonut, atamasuwa chomnyo Tororot, nko ororyo Echotion Yeso Kristo. (2 Korinto 4:4). Pich cho chang kikarta konyin, Tororot nyopo ngunyinete, mengutcha lo, kumito Pan nyo po mapo kokai. Ompo Pan Tororot kiluku chane meghon cho kipaita chane Tororot Po ngunyinete. (Epeso 2:2).

Ompo kerotonu, kiyonu Tororot wero Adam, atakunyar ocheiwo Onyot. (1 Yoana 3:8). Kulenyona okonyuto Tororot, atagha onyot, atakurupenok, atacha Tororot atakurichok. (Yakopo 4:7-8).

Otino Isomonenyi Pukunete, airosenyi Pichen, imuchenyi suwuye Mukuloungu akumukoí kupkochínyi wolo ilatenyi. Oto Isuwuyenyi Mukuloungu lo gha, akumi ngoku ori, chama aikoto. Oto kumwaghacha lo, mokichichanye Pipo ngoku, kelusecha kegh amominye Man orincha. Wolo oto kukotecha ngokicha, ku, kighonin nyinte, akupo Man, nyo Muchoi kungongoghta ngokicha, akumwatecha ompo simnyon anka tukwil. Oto kumwaghacha lo mokichichanye chemwokiyis kulenye oto

kakighacha nyinte Putin aku mominye ngoliontenyi orincha. (1 Yoana 1:8-10). Kulenyona nyu, opokegh ngunyí, ewu Tororot, atokulostowok ngokikwo akutililokwa ompo kison Po Yeso Kristo, chopo oliot nyo wow.

Ayo wei, Tororot nyo Poitenínyí nya, anta Onyot? Ichi motworinto ngoku nya anta sekeyonto Tororot? Oto Poitoi ngoku oringu, Metiyo wolo lokíno Tororot, atakutiakun ompo Yeso Kristo nyo, kingun kusoru chemwokiyis, atokungany chepkorotonoi konyin, atakungetenech tuwun akurosuta konyicho. Kingun kutonech lopoyun nyopo tongonchin. Kingun Yeso Kutiakenecha ngoku nko owesyo Onyot. Ompo Yeso Kikealecha kelukuna Monungo Tororot. Ayo wei, Ighiongonenyi tau Tororot nyo tilil, nyo suwiyi ngokiku lachim nko kinonsheutkoku lakau? Memukenyi-nye teungkegh anta Ighisheut koku, ompo Tagh Po Tororot. Nyinte Tororot nyino Kito Yit otino mi, molumonye? Nyinte nyino kigh kong mosuwa? (Tumwoy 94:9).

Toponoi Pich nyinte lakau nko otoptinekwa. Mominye tuwun ompo nyinte Mosuwa ngala tuwun. (Ayupu 34:21-22). Ompo wolo, konyi Tororot ghiosetegho nguny kumukul, atokuporu

kegh lo tungeto nyinte owesyo ompo chane cho tenote mukulis-kokwa. (Otoptino osis 16:9; Yoana 2:24). Soyonote nyo kikelostochu ngokichi, akeuny lelutkachi. Soyonote chí nyo Meyitininye Echotion Kipotot, amominye chepolkosnon mukulounyi. (Tumwoy 32:1-5, 55). Takwituta yee, mí Yeso Kursiyi. Apkana lachim wolo omitan chona osuso kegh, nko nukisuntin, atomungwok (Matayo 11:28-30).

Copyright ANGP


1. MUKULOU CHEMWOKIYON



Pichanete Porei Mukulou chi nyole chemwokiyan.
Chi nyete, nyole Muron anta korka nyo Poitoi

ngala nguny Purchin, nko kinoghyot nyopo Por. Pichanete ku kio nyopo mukuleu Ptangengmot, le wolo rosutoi Tororot. Konyichi, ku Puroch, aku wutwut sot. Poroitamasenyi (Ngotunyo 23:29-32). Ayo wei, ngo nyu, teghoi? Ngo nya, nyu Puroch konyin? Chane chai tupisot ka kumun, akupetoi kuyorotoi Pogho sapipun cho kikuriak. Otini ketopononyi, Puroch kumi kolowo, akureitoy nyokaram, wolo Sorom suroi chile Moroi nyotungeto ngwono. Atoni nyu, suwuyi konyiku ngalchole too, akungoroi mukuloungu ngalcho Po kipotot.

Ngunyi, motono Po chi, olendan Isuwuyenyi mukulou Ptangengmot. Mukulou noni, ku Mongot, nyopo tukun cho sisinjot. Poroingoku cho Sisinjot cho mito ori Po mukulou Ptangengmot. Mukulogh nyino Mongoi ngoku ori Mwoghoi Tororot lo, mukulogh kulusin, kursir tukun lapai, ekuting megthat! ngo nya wei, nyo mukoi kungutu? (Yeremia 17:9). Kimwa Yeso lo, oripo mukulis Po Pich, pkono kinonut cho ghach, cheporesnun, chorsyo, Tugho, alomi, Purchin nyogha, Ptekwernon, chepol kosnon, Simnyondon, chupot, anaun, nko Tirwosnon. Ngale choni lakau ghach, pkono oripo mukulogh, akutoni chisimnyon. (Marko 7:21-23).



1. TARITANAI MERMEROI

Kugh nyopo tagh ompo pichanete ku taritanu mermeroi. Tingeto taritanu karor cho mermersot nyo karam nyoman. Kimustoi nyínte ngoku cho po anaun. Tapogh Po kiwasan, nyinte nyo kikiyila mwagh, aku toror ompo ka Tororot. (Isaya 14:9-17; Ezekel 28:12-17). Otini le tounot, onyot melo kimalaikayanta tuwun, kipo lopoyun.

Anaun, Poru kegh ompo ortun cho chang. Mi, Pich cho soloo kegh sukunoto, tukun cholecha Tich, kechir, korun, nko Paren, anangis chopo oliot, tokoch nyo Karam. Walaka kwolo kegh, Puntonikwa, Paitagh, kalamu, owesyo nyopo Por, nko ngal cho echon, ompo ngunyinete, tuwun anta relun nyopo Por nko tukun cho mominye kinyiutyo. Mukini Pich cho chang kwithoí kegh kukaramachitu ompo kilakata karii yitun, nko ewun akemut sorim tokoch, nko Por, kurkegh

high Tororot chi kutenant. Tiyot Tororot Pich cho tingeto anaun, wolo toni nyinte Poropcho, Pich cho rungoi kegh. (1 Petro 5:5). Reyoi Tororot anaun nko kwoloto kegh. (Ngotunyo 8:13). Nyoghoi anaun urat, aku mukulogh nyo shiloi kegh, kuwuroi (Ngotunyo 16:18).



2. KUKIY

Ompo Pichanete, Poroï kukiÿ, nyoni ku purchin, Po por, cheporesnun nko alomi. Wop anka tukwil nyo wetoi kukiÿ, kusumionoi kegh. Lenye kukiÿ pich cho chang, cho Pestoi akungolono walaka nyo gha, walak nyo karam, kurkegh, ko Muron, anta kor. Cheporesnun nko alomi kutukun cho ghach, chomi kuletoi yee, osiswechete Po Sorom. Naran, Muron nko kor chopo yee memuchoi nye, kuripo kegh lakau cheporesnun nko alomi. Musukai cho chang yee tukul, kulenye nyoni. Ngoki Sodoma nko Komora, kinam saponwo Pich cho chang, mito kungoroi ngala

Yeso cho kimwa lo, osiswo sorom kuluku lee, osiswo Sodoma nko Komora. Pichu le, Marakoltin nko cheluwen, kuroí cheporesian lo kuki. Pich cho lata choní momulocha Poyunoto Tororot, ompo wolo Sany Po Yerusalem nyo rel, mi kukudino chesokoytin, Pipo alomi, Tughu, Pich cho Soghoi korkoyntin, nko chi anga tukwil, nyo chomoi Putinton (Ngangat 22:15). Kule nyona nyu ariaena Ighisheut Po Por. Ngoku Lakau cho Ighoí Ptangengmot kumito sany Po Por, kupoto nyinte nyo Ighoi cheporenan nyo sumionoi Portany kegh. Ayo wei, mongutokwanye so lo, kopo Tororot Porwoikwa? Melo ochikwa chikwo kegh (1 Korinto 6:18-19). Oto wur chi kopo Tororot kuwuroí Tororot chichoni. Ompo wolo kopo Tororot ku tulil, aku akwa choni.



3. MULUNJO KAU

Mulunjo kau, Poroi ngoku chopo Tamasa, nko cheporesnun. Mulunjo kau omoi kugh anka

tukwil, nyo konyoru, amengut nye, kugh nyo gha nko nyo karam. Lenye Pich cho chang, cho omoi Panya tukun cho komegho, anta cho kakigha asiltin. Gheghoi chane kison, akwomoi mur, cho echon nko cho mungech, cho kimwa Tororort lo mam. (Ighisheut 15:20; Isaya 66:17). Ompo choni lakau, mi chane kumtoi, aku Yupo Porwoikwa tapoi, chino le kopo Tororot, choni lakau kutoni Sumion nko ngwono kison - ko kwa. Poroï ompo atoni lo, mito onyoto kupoitoí ompo Purchin nyopo Yupot. Ompo owesyo Tororot ongut, nyo Muchoi kutiokoi Ptangengmot, ompo Mongot nyo le nye nyoni. Lenchini kegh Pich cho chang, ketomesho, akegha kumun, melo gha wolo nyu, Mominye Ptamasianta anka tukwil nyo miloi Poyunoto Tororot, ngutuno lo, kumun melo omisyo, wolo tamasa ku meghat nyo Ipu Kinyarata mot. Chane cho gheghoi kumun kutirwostin aku cheporestin aku tughoi kegh. Anta makumun, to, Meghoí nye lenyoní. Kumun Lusoi pich akwipu siala, aku chi nyo leloí ompo tukuchoni motungetonye ngoghomio. (Ngotunyo 20:1).

Ompo kirurut Po Musa, chi anka tukwil nyo kitung Moning nyole Penyin aku Ptamasian, kiku-wíro koghun takuma. (Kinonsheut 21:19-21).

Rioki kumun nko Ptamasis ku, karkegh ompo tau Tororot. Ompo wolo, Mwoghoi ngolionto Tororot lo: Ey wei, ompo chane, chole nyokon Po tamasa, kurkegh KuMuron ompo wolo nyoroi chane tamasa (Isaya 5:22). Eywei, ompo nyinte nyo toní, Pororienyi kumun. Nyi nyo itonenyí ngwonengu kutamas. (Apakuk 2:15). Maluskegh, Momulocha cheporestin Poyunoto Tororot, anta chane cho soghoi Korkoyintin anta kalomak, anta Ptakalis, anta cho tung Purchin anta tomosu, anta cho Mwosiya, anta cho surisiya. Momulocha Poyunoto Tororot nyonikuny. (1 Korinto 6:9-10).

Rumunote Poghishcut Po Por, alomí, Simnyonton Cheporesnan, Punyondon, siala, nyonyindon, norekyo kiuliot, semsem, ortuna Saghat, kingurielat, Porsyo, Ta masa, aketagh nko ngal chole choni. Ompo choní onyoghan omwowokwa le, oto kiamwaghan tagh lo, momulocha Picho cho Ighoí ngal chole choni Poyunoto Tororot (Kalatia 5:19-21).

Amotomeshegho kumun, ompo wolo Ipu otop nyo gha wolo, nya kunyughitak mukulou Tororot (Efeso 5:18). Yeso nyole kong nyopo sapon, aku tokoi chane cho tungeto Maral, lendoi chí anka nyo amate maral nyono tekonanun Pogho Sapon

kule (Yoana 7:37-38). Chi anka tukwil nyo amate Maral, nyono wolo mî Pogh, chí nyo Motung ropien, nyono ala aiiam, owoí nyono ala dipai, ku purio ropuyen. Omponenya tetotonenyi ropien ompo kugh nyo melo omisho? Ompone tototonekwa tukukwa ompo kugh nyo mopughiongekwa? (Isaya 55:1-2).



4. PKOKOCH

Pkokoch ku kugh nyo wetoi mut-mut, kimustoi nko ngoku chopo Sikong, Pampa mut nko sikoinon. Sosoo anka tukul, pkonjini tiomut cho chang, chorsuyi meghei nye kasu, mukoi ompo kutugh chi tokuchorsyo. Sosonot nyopo Mukulogh kortoi pich tomosagh anta pa kanisa, anta kesomon ngolionto Tororot. Sosonot Ighoi Pich tomokungutu ngolionto Tororot, nyo tungeto sapon po kokaî Tomtomonot nko Pampa Mut, ku chorinto Poroyuntocha. Akuntoghochini Pich takwit kinyarat. Otomwounyi Tororot ye

lo, tono nyinte Mukuloungu, kurupu onyoto lawel akumwa lo, melo asete, kanya asistanga. Mucho nyu, tomtomononyi asete, asuyech, koyoghi, takwituta Meghat kunyorunyi tomonye ghananyi Tororot, kulenyono, lendoi Tororot: asisete otoalumakwa kutinyan, Magh mukulis kokwa kwongerochitu (Eprania 3:7,8).

Koporionto Patau Pkokoch, Poghishegho chemowostin, kwicho sokoi, kulenye nyu, karkegh nko keghan chemowostin nyino koto kighonoi Tororot nyo satate. Nyino koto kukoroi Tororot ompo kichur nko someut, kunget Pich kughan korkoyintin, kuy, koghun, nyighin, anta tukun walak cho motung cha sopen, cho Mwou chesokoyon. Muchino kwa, aghana Echotiontengwa. Kimwochu Tororot monung Israel lo: Mapakach korka nyole Ponin kusop (Ngetunot 22:18). Orip kegh tomorumuno kwenungwa chi nyo Totoi Monechi kuluku amustin, amopoghishegho ngorsho, anta chesokoinon, anta Poninton, anta Putinton, anta ngala oy. Ompo wolo ghochini Echotion chi nyo Ighoi ngal cho lecha choni. Ngale choni, chini kigh Tororot, kuyona Pichoni taungwa. (Kinsonut 18:10-12; Lawin 19:31). Aku chi anka tukwil nyo wechini Pipo Oy, nko chemowostin

akuporesan tukwil, osunyorchinan atoran chichoni nko Pikokwa. Otililo kegh nyu, le ani Tororotungwa (Lawin 20:6-7). Soru Yeso mukulis, aku Lostowecha nyinte ngokicho lakau akusope cha ompo someut. (Tumwoy 103:1-3). Oto mi chi kwenungwa akong, nyo roloí, kutur Poyi Kanisa, kusoghchu nyinte, ompo kighanat, tokusoru chichini chirate. Sholoi nyinte Tororot, oto kigh ngoku kelostochini. Olostochino kegh akwane ompo akwane asoghchu kegh, atokesopok. (Yakopo 5:14-16).

Otino Isomonenyi Pukunetenyu, Inan lo, mi Tororot kungolonunyi lo, koteno ngokiku, atokulostoun, aitoto Sopengu wolo mi nyinte. Wolo nyu, otolenye Mukuloungu Pkokoch, kuchomunyi lo, irupenyi ono nya lawel, kanya ngo asiyech, koyoghi, anta konyinu-naa. Lenchininyi Mwochino kuny Portongu anta korkengu, anta Papongu, aimut moneku kuny. Nyo koto Iterenyi kuti Tororot kulusinyi onyoto. Ngutuno nyu lo, oto Ighenyi lenyoni, mi mukuloungu kuongeritu lee Patau Pkokoch.



5. MORIL

Ngwan Moril nyoman, kugh nyo korom nko multagh Po kison. Karkegh, nko Murmuryo, nko kireyat nyo mi Mukulou chi. Chi anka tukul nyo Poitoy Kireyata nko Mukulou murmuryo Muchoí kwich ngal cho ghach anta tughisho. Ompo ois cho chang oto tamas chi, kukagha mukulou Onyot, amemukoinye kupoitoi kegh. Pich cho chang cho kor-koree gheghsiyi tokumichu kumon, kwich nyu ngal cho ghach, ompo nyakanata kumon, anta ghakta cho ghach cho komi orinyi. Puron kokwa kulata ngwono moroyut. (Kinsonut 32:33). Kitakat ku anyin ompo mukulogh nyo mi ngoku wolo Tororot nyo ruwokini Pich ompo ngal cho ghach. Kimwa Yeso lo, achama Pungkokwo, yomiso Tororot lo, lostowecha nyinte ngokicha, oto kulostochicha Pungko-cha tukwil.



6. MOROI

Otini lee Tounot, kikaram nyoman Moroya, kulus nyinte, Adam nko Hawa, ompo Para Eden atakunyar linyogh tongwa nko Tororot. Kisuwa Onyoto nyogha ompo chomnyo Tororot Paraku Adam nko Hawa. Napo ng'at, kisuwa onyoto nyo gha, otino kito Tororot chane kupaita nguny, amaluku nyinte, tapogh po kiwasan (onyot).

Akwompo Sikongnan kunyar onyoto linyogh Po Ptangengmot nko Tororot takumuch. Sikongnan nko Porcho mitoni oripo mukuloungu, akupoitoi oripo sopontongu, aku mulinyi otino ngorekiot Pich walak. Akwa kighonu, muchinokwa oripeno kegh mukulou sikongnan Po Onyot. Kurkegh kusoyon Tororot werinyo anka, kusir nyi. Sikongnan toni mukulogh kinonsheut cho ghach, atepananyi ainyaranyi ngorekyo Pich walak ompo sikongnan.

Sikongnan nyopo Muron nko korka, muchoi kunyoroï kongwa, sikongnan ngwan lata ma Po kokoi.



7. MNYAKAU

Mnyakau kutegho nguny, anta, ori Po Pogh. Karkegh nko ngoki sukoinon, anta ngoki kecham ropiyen nyoni ku nyighinia g'hoyun. (1 Timoteo 6:10). Ompo koro Kongo, mito Mnyakaoi cho Omoi togh, to kuperisho mutuno. Chi anka tukwil nyole sukoy, melo chomoi kuchoghchini chitonga kugh, anta ngarach, meîwon.

Mukini nyoman ompo wop lachim kusupoi tupo ngunyinete, kurkegh kenyorisot, akwomoi rirum, aku choroí choru. Ompo wolo wolno mí kaplawach tongu, kumí Mukuloungu woloni tukwil. (Matayo 6:19-21). Akan nko Pikoo Katanyi kumukul, kikutugh ompo wolo kicham koltin, ropuyen nko suro chopo olliôt nyo wow.

Kulenyona nyu kicheng nyinte tukun cho chupot. (Yoswo 7).

Yudas Iskariote kima ompo wolo kicham ropuyen kusir wolo kichomtoí Yeso. (Mataya 27:3-5).



8. ONYOT

Onyot ku Papoto putu lachim. Nyinte nyole mosowonto tukun lachim cho ghach, cho mitoni mukulou Ptangengmot. Kimwa Yeso lo, akwa opoyekwa Papongwa Onyot, aku Purchin nyole nyenyi, nyo oghekwa. Kiputin nyínte kungàta otini lee tounot amominye man orinyi. Otini mwoghoí Putinton ku chíni le chechi, ompo wolo Putin nyinte, aku Papoto Putinton.



9. TAPOGH

Tapogh karkegh nko kinonut cho mito oripo chí lakau. Ompo yeteyi, kituwochitu kinonut akuluku Sumion, ompo Paraku ngoku cho kikenagh. Meghoi nye acheí nyo karam. (1 Timoteo 4:2).



10. KONG

Kong Po Tororot mi wop lachim, aku suwiyi kugh anka tukwil nyo mito ori po chi. Mominye ngolion nyo wunyate ompo tau Tororot. Kule nyono nyu, ng'ut Tororot kugh anka tukwil nyo mito orí po chi. Oto Ighenyi kugh anka tukwil,

nyole ngoku ompo tuwun, anta wuw, kusuwuyi Tororot.



11. MALAIKAYAN

Kikorkoyinoi Malaikayan nko ngolionto Tororot. Mwochíni Tororot chi anka tukwil nyole chemwokiyon lo, koteno ngokiku, aicham lopoyun kulut oring'u. Mí Tororot kungolonoí nko nyi, nyo Isomonenyi Pukunete yee tukwil.



12. CHEPURUM

Chepurum ku Tarit nyo kimuchoí kepogho kau, aku menyoroí nye kugh. Kimuchoi kekorkoyunoí

taritanu nko mukulogh nyo Tulil, mukulogh nyopo Man, nyo Poroi ngoku nko kirwok. Ompo Pichanu mito Mukulogh nyo Tulil sany. Motoponye otino Poitoi ngoku.



13. NGOLIEP CHOPO MA

Ngoliepwechu, kiwit wit mukulou chí, nyole Ptangengmot, aku chemwokiyon, karkegh nko chomnyo Tororot wolo lata ompo chemwokiyon. Mochomoí nye Tororot, megha chemwokiyon wolo yoroí ku-koto atokumongisho. Kingun Yeso Kursoru Pipo ngoku. Yetu ngorekío yim ompo chí nyo kokoto ngokichi. Moroi Tororot, ku mwotoi mukuloung'u, ompo kison Po werinyi Yeso. Moroi Tororot chomnyenyi kulutoi ori Po mukulogh nyo kag'hut, akima, tokusop.

Ghiongo Yeso kukaa, mukuloung'u akukony-
konyoi, oto iyotinyi, lutu akumwat mukuloung'u,
akutiakinyi.

Copyright ANGP

2. MUKULOU CHI NYO MOROI KUKOTOI
NGOKICHI



Pichanu Poroí chi nyo kotoi ngokichi, akughan Tororot. Mito malaíkayan kunomoi chok, aku nyoni ku ngolionto Tororot nyo satate, tung owesyo aku ngatib kutul chok, nyo ngatip wop lapaí. Ngolionto Tororot, toroi a ku chagh sapon nko mukulogh, nko ngichayai, takwit mwagh Po kowo, aku Pkochíni kinonut nko keroto mukulogh (Eprania 4:12). Nonwecha ngolionto Tororot lo, ropowo ngoku ku meghat nyopo kokai. Kikurorchu Ptangengmot Meghat kunyil akong'a, akwotino kama, kuluku kirwok (Eprania 9:27). Koro chemwokiyon nko nyinte nyo meghanatnye kuluku nanam nyo nogho ma nko Pighon.

Ompo egh nyopo odeny, nomoí malaikayan Reng'a mot. Kuyoni, Porchini chí lowur nyole chemwekiyon, lo, kumeghsonecha, lakau. Kurkegh kakuchomoi Porwoicho, akelokini anangis, akiomisiyi, kengutuno lo. Meghsot astanga aku nuno. Omoi nguut Por, otino wetoí Mukulogh kughghiongo ngacharu kirwoko Tororot.

Nyi chipo ngoku, toro Luma ngolionto Tororot, aiyat, Mukuloungu ompo chomnyo Tororot. Ompo yete ketor mukulogh nyo tulil kupkang oripo mukulou chi, nyo mí ori tuwun. Lopoyun Po

Tororot nyona kolut ori po chi akuyon tuwun. Wolo mito lopoyun, kurupo tuwun, aku chomnyo Tororot nyo ng'etoí Mukulou nyo kaghut. Ngoku cho kimustoí tukun cho rioghoí Sany. Nyi chemwokíyon, chama Yeso Kulut Mukulong'u, atokuweghenun tuwun; lee ye, oto Isuwuyenyi. Kinwa Yeso lo, ochan lopoyun po nguny, nyinte nyo ghonanun moweghonye tuwun. (Yoana 8:12). Eyweí, ompo chane cho chomokegh tuwun kutul lopoyun. Otino kituta Yeso Ekalu cherusalem kutuul nyinte Pích lakau cho kioltoi Tich, kechír, nko chepurumtin, akumulta nyinte ropuyení Pich cho kíloi, akwoltoi tukun, akumwa lo, konyan kukuro kopo Soghut, wolo ye nyu, kaghakwa kuluku kopono choru. (Matayo 21:12-13). Ko-ot ku mukuloungu, aku Melo kíngun Yeso tokulostowecha ngoku Pat, wolo kingun kwalecha, akutíakech kengetuneno owesho nko Paitagh Po onyot. Kule nyona nyu, oto kikutia kekwa weri, olukunekwa cho tiokote nyoman nyoman. (Yoana 8:36).

3. MUKULOGH NYO KIKOTO NGOKU



Ompo pichanete, kusuwuyi mukulou chi nyole chemwokiyon, nyo kikoto ngokichi. Kisuwa chichu

ngokichi lo, kimegha Yeso ompo kimurtewon. Mukulou chipo ngoku, Mroo lo mut, otino kera kimurtowon nko malaikayan nyino ipu ngolion. Chomnyo Tororot kungetuno Yeso Kristo, Ighoi mukulonnyi kupotan, otino kenan lo kingun Yeso Kung'ongoh ngokichi lachim akuma ompo Parakunyi. Kikumuny Yeso sitit, akenopchu tenda katoos mot, akeportochu kimurtowon Morun nko kelion, akwompo Paraku ngokicho lapai. Rungoi chi ngolionto Tororot otino Kesomon, akupkochu takuchal ngokichi. Tooroi nyu mukulounyi kusukoi nukisun nyopo kotogh. Mughot, nyo Muchoi kwich Mukulounyi kuloch, ompo ngokichi akurich nyinte Tororot. Chomnyo Tororot nko kalienyi, nyo lutoi sopen po chi atokumwat kison-kachi ngoku lakau cho mí orinyi. Ketor kupkochu lo, mito Echotion oto lekut, nko chane cho rung'oi sopenwekwa, aku chi anka tukwil nyo ipoi kegh nguny, kesoru nyinte (Tumwoy 34:18). Sopen chane cho kiruny kegh sopenwekwa akusop moyoy-ko kwa. (Tumwoy 147:3). Napo mwoghoi ngolionto Tororot lo, rosói Tororot mukulogh nyo rungói kegh, chi nyo Potonoi otino kalum ngoliontenyan (Isaya 66:2).

Mukulogh nyo Titil nyo Poítóí chi anka tukwil nyo kikughan Yeso Kristo. Otoraa-chí kison Po kimurtewon ompo kighanat, otoraa-chí kison Po Yeso chino kimulta kegh, aku tulil ngokichi, ngutu nyu Man lo, kimwat kison Po Yeso mukulounyi, nko ngokichi lachim. (1 Yoana 1:7). Nyinte nyo ghonoí Yeso, mepotonye, wolo tungeto Sapon Po kokaí. (1 Korinto 6:10,11). Kikialecha ompo kison Po Yeso kurupata kegh nko kison-kachi, nko Porpchenyi. (Epeso 1:7). Yee nyu no, tung'eto mukulogh nyo rel ompo orinyi, nyo Poghishechini Tororot, nyino kichemecha tagh, melo tupo nyuny, wolo purchini nyinte ngala Tororot nyino kitoo nyinte mukulou Peny, akelostochu nyinte ngokichi. Kurkegh, mochomoi nye Onyoto kuwetoí, mí kupur chini kumula orí napo ngat. Kulenyona nyu, kechukoncheno ompo Saghat aketagh ngala onyot tokurupenech.

4. MEGHAT NKO KRISTO



4

Pichanete, Poroí chi keriam nko Yeso Kristo akunyoru kalya nko Sorunot. Kule nyona nyu,

www.angp-hb.co.za

page 31 of 62 pages

toni nyinte ororyo anka tukwil kimurtowonto Yeso Kristo. Kule nyono kikeudo nguny ompo nyinte, aku nyinte, ompo nguny (Kalatia 6:14). Tungeto man lo, kimegha Yeso Kimurtowon, ato-kwoto, kumeghecha ompo ngoku kelukucha, cho sotote ompo man. (1 Petro 2:24). Mwoghoi ngolionto Tororot lo, omong'isheno ompo Mukulogh, melo, Purchin Po Por. (Kalatia 5:13-25).

Mwoghoí ngolion napo lo, ayara tulilun ompo Kinoghiot, nyo oto mominye, kupurio chi nyo Suwuyí Tororot. (Eprania 12:4). Poroí Pichanete Pchoriin cho kikurotu Yeso otini kikungus anangis-kachi. Rosenyu sitonino kikumunyo nyinte ompo letkocho. (Isaya 53:11,12). Poitoghin Erode nko Pikachi, kimuny Yeso sitit, akuloku nyinte anangis cho puroch. Kunap tentaa kato, akuloku nyinte mot, nyino kito lokini kolion mot po Yeso. Kuto chane Techan eunyi nyopo tagh, nyino kito toni lukup nyopo Paitagh. Kukutung chane ompo taunyi, akungem, akumwa lo, takwes Poitoghinto Yaudin, kungutu nyinte, akumunyo techantanai mot. Otino kemucho kumut nyinte keudochu kimurtewon. Chang Pich cho kukuroi lo kighonu, akupetoi kanisen, akwomoi Meza Echotion, akutumoí,

wolo ompo Ighisheut-kokwa kipakach chane Yeso. Melo lachim cho Soghoi, akulentoi Echotion, Echotion cho lutoi Poyunoto Tororot, wolo chane cho Ighoi machata Tororot nyo mi Yim. (Matayo 7:21-27). Rosee, mula ropiyen ompo Picha. Kialta Yuda Yeso ompo ropiyen chole tomonut somok, ompo wolo kicham ropiyen takukar ompo Mukulounyi. Tomwo nko surumnyon, kipoghishegho Soch Kupur kura le oto kingor wer koyonta kony. Kichagh anangis-kochan ompo kura. (Tumwoy 22:18).

Kipara askarian Yeso Ngot Karas kupkana kison nko pogh.

(Yoana 19:33-37). Kutomo kuwach choko, kitiyo Petro lo, Mongutonye Yeso kunyul somok Ayo wei, Ichinyi ghanat Yeso ompo ngal nko Ighisheut nya? anta Iwoghenye mwotutone? Kimwa Yeso lo, chi anka tukwil nyo toghanun ompo tawu Pich, otoghan nyinte lenyoni tukwil ompo tawu Paponyan nyo mi yim. (Matayo 10:32,33). Kimwa napo lo, oto mokoy chi anka tukwil kurupkanun, kumuchini kusalta kegh akukasan kimurtowontenyi akurupanun. (Matayo 16:24). Aku chi anka tukwil nyo mokosonye kimurtowon tenyi merokonanunye. (Matayo 10:33).

Ghat nyo chuchumate, odukeninyi

Poghechoni nko kison, chona pkono

Karas-tangu Tulilo ngokichan, alukwan

lotin.

Copyright ANGP

5. KOPO TOROROT



Ompo Pichanete, Porwech mongot nyo tulilot,
nko chí nyole chemwokiyan nyo kikesoru ompo

Poropcho Tororot, nko kishono tenyi. Kiluku nyinte Kopo Tororot Papo, weri nko mukulogh nyo Tulil lee, oto kímwa Yeso lo, otochamanun chi, kughonoi ngalechan, akuchomoí nyinte Paponyan, akeuchinecha wolo mi nyinte (Yoana 14:23).

Ompo Yeso Kristo, kikonyut Tororot Ptangengmot akusoyon, akushol nyinte. (Luka 1:52). Kiluku yee nyu, mukulounyi, kopo Tororot nyo Satate. Kikengongohta ngoku, tukun cho chang cho Poítoi onyoto, cho-ko-mi Ori, kipa sany, mi yee nyu mukulogh nyo Tulil kupoitai. Nyino yee nyu koto Ighisheut chopo Por cho ghach, lenye yee nyu Par nyomí akwa, anta ket nyo yinat. Yiyoi akwa mukulogh cho lenye, chomnyogh, ngorekio, kalya, rungatakegh, kamaghat, otop nyo karam, kingarakat, kighanat, mutnan nko akwa walak chopo Tororot nko Ptangengmot. Chipa mukulounu, kiluku sokoon nyopo Man, Yiyoi nyinte akwa ompo Sapipionto Man, nyoní ku Yeso Kristo Echotientenyo. To-keyu akwa ku-kutopo chí orí Po Yeso Kristo, akutopo Kristo orí Po chi (Yoana 15:1-10). Napo, kuto chi ngolionto Tororot orinyi, to kunyughu Mukulogh nyo Tulil nyo

rungtoi Por nko Purchin-tanyí. Ompo owesho Mukulogh nyo Tilil, kuletoi nyo karam.

Chichu Mongisiyi yee, ompo Kalya nko kighanat oripo Yeso, kikuru nguny nyinte. Mongisiyí ompo kikonot akuchuchumo mlaghtanyi Echotion Yeso Kristo. Mi nyinte ori Po chomnyo Tororot nyopo kokaí. Soyonote chane cho tililoch Mukuliskokwa, ompo wolo suwiyi Tororot. (Matayo 5:8). Daudi Poitoghin ompo Sukonotenyi, kilot nyinte Pungkachi akupar koliat, wolonyu; kitung nyinte ngolion akonga, nyoní ku-lok, ompo Tagh Po Tororot, lo, relitante sopontanyu, Igha kurelit mukulogh nyo mi orinyan. (Tumwoy 51:10).

Mominye chí nyo mukoy, kutilil mukulounyi kegh, kupoto, kurung chi kegh, lee, Poitoghin Daudí. Muchinote kuluku chi lee, monungai lee, kipoton, kupusto mulunchoii kau, akumla katangwa, akulenchu kwanta, kialelan tau yím nko taungu. Mi Tororot Kupsach kungarach chemwokiyon anka tukwil nyo rungoi kegh. Mwoghoi Tororot lo, okoninyi Mukulogh nyo rel, ang'usan mukulou kogh nyo mito oríngu, Tewunyonyí ompo kirurut kochan. Nyete ku-omisho nyo rel, nyo kigh Tororot akuto macheî ompo kison ko-werinyi Yeso Kristo.

Ompo Pichanete Po mut, Isuwuyenyi Malaikayan kunyopono akupoghisheju Pich cho mloî sopen po kokaî. Napo, witoî chane cho ngut Tororot (Tumwoy 34:7; 91:11; Daniel 6:22; Matayo 2:13,19; 18:10; Ighisheut 5:19; 12:7-10). Ompo Pichanete, kusuwiyi Onyot, kughiongoi, otokulekut ompo Mukulou chichete, akuyoroi kunyopono. Kulenyo nyu, Porwech lo osuko chuchumat ompowolo Mororintengwa Onyot westoî, lee Ngotuny nyo Moroy chi nyo nyukuwoî. (1 Petro 5:8). Atagh ngala onyot atokurupenok (Yakopo 4:7).

Copyright ANGP

6. MUKULOGH NYO KIKUPESHO TIOMUT



Pichanu, Poroy Mughoto chí nyo kimla lotu.
Kikor kong a kong. Kikutor chichu kukaghtit

akunam ruwonto, ompo Mongenyi nyopo Kristo. Kontanyi anka rostoi lo kworkwor, akurosoí ngala nguny. Kikutuwit mukulounyi mominye lopoyun ori kimito nyinte kwenu tiomut, akilot nyinte onyoto. Kikukul nyinte ngala onyot kuchal chopo Tororot.

Chichu, tokumí kungunoi kanisa, akuwungoí ngokichi, wolo kikapotan nyoman, ompo wolo ngut lo kiopot. Kingettanyinte chomnyo Tororot nyaípo tagh. Tapoghpo Mukulounyí kikumiso, akunukisit kimurtowonto ompo nyinte. Kiusoto kighanatenyi amokusoghoînye Tororot nyonikuny. Kiluku nyinte Soso ompo Mukulogh, akupusu onyot poroyín.

Mukulou taritanai kwerkwersot karor mito kuyoroi orr tokulutu ori. Kikutor chichu kusuk anaun akautiegho lo, kikusoru nyinte ompo Poropcho Tororot. Kírích chichete, tamasa nyoman, oletan michi, nyo lenchini, chamchama tukute, wolo Ingutu nyu, lo, kechamcham tukute, mutoi chí takwit lalwa tamasaa kween. Muko kumí korka akong, nyo riokoi kumun akwoltoi, akulentoi mogheghanye, kuwutíegho nyu nyinte lo, nyinte nyíno Ighoí Pich kuluku. Ptamasis akutung nyinte mukulou nini nko

cheporesnun westoí nyínte nko kong'ot cho ghach, akumorotoi tukwin cho kungorechegho.

Mucho chi kulenchu Pich, kepiroño Tokogh lee musungu, melo gha, wolo kepiroñchegho Tokogh le Pich cho kingoghomochitu nyo gha! Ayo weí, mengutonyinye so, lo, atoni kupironchegho, oto, supoí Pich tokesoru, anta Ighishegho ngoku. Keyup tapa nyo kiolo duka, karkegh nko Tapa nyopo kau. Kimo Yup nye, Yeso tapa, anta chi anka tukwil, nyo kimuut akong'a kurup nyinte.

Onyot kuputin nyo lenchini Pich, otoigh chí ngoku kunyul akonga, kumelo gha kurkegh kaporesnan. Otomwa Onyoto lee nyoni akuter chi, kumuchoí kunyar Sopon po chi. Chichu ompo Pichanete Poro rotwo Mukulogh, karkegh nko Pichai sosoi kighonu, aku Munoi ngala Tororot. Chí nyo tungeto Mukulounoní Mokomoghoi nye ngala Pich, tomur, kong'otichi.

Poroii nyinte ngaleko mukulounyi, otolapai kuwagh Pich kutul Tororot. Napo, ompo Mughoto kinonut po pich, kiluku nyínte sekeyonto Ptangegmot akikupapot ompo Sorunot. Kípaíta nyínte Murmurío nko kireyat. Kínyoponcho napo ngat, kinyarilut nko kipolot, kipaíta Mukulounyi. Kimwosheut kikurimion kutinaí kikusolo Tororot akesogho nyinte.

Ototop onyoto tokunyoru Poroyun, anta kukat nyo munung, lutu akungany kuporoyit tokulutu ngoku walak. Kuskus nyoman kulutu ngoku chopo chamata ropiyen, oto mukuyang'a chanye chilata Yeso nyaí kimwa lo, ochukoncheno asagh tomolut tiomut (Matayo 26:41). Chi anka tukul nyo lentoi kioghiony kumil kegh lasiny tomeput. (1 Korinto 10:12). Yee nyu, muchinotecha kelaka karí luk chopo Tororot, tokemucha ketagha ngala onyot. (Epeso 6:18).

Copyright ANGP

7. MUKULOU CHI NYO KICHUN TA



7

Pichanu, Poroí mukulou chi nyo kichunta ompo kighanat, ompo wolo otino kikuluchu nyinte lopoyun, aku cham-cham ropowonto Yím, akelinyo nyinte nko Mukulogh nyo Tilil kunyapana lot. Poroí napo Pichanete wolo lata chi nyo tomonye kukoto ngoku. Kikeomchu chichete ngolion wolo kigh mukulounyi kuangerit akutas tagh nko ngoku.

Kingalana Yeso nyinte Paraku chí nyo chuntoi, atakimwa lo, otongeta chí Oy, chole simnyon wereí wolo momicha Pogh, kuyoroi wolo Mongoi, oto chop, kumwa lo, onyoponoyan konyu, akwotino ketu kikipuch kutililit, akemin, otino wetoí kwipuu oyoyí walak chole mut nko odeny, cho ghach kusir nyinte, Poriegho nyu chichoni, otomukta, kunyoroí Mongot nyopo chichoni tiia kusir atanya lee tagh. (Luka 11:24-27).

Ngal cho Ighíshot ompo chichoni nyu, kukarkegh nko ngotunyo nyo Mwoghoi lo, "Kimla kukiya kumel kanguntanichi." Kunget Muluncho kau kumulechu kutangwar Naroyon. Poroí kikirut choní wolo lata Mukulounu Po chichu. Ngoki chichu kinyoponcho napo kupaita Mukulou chichete. Poroí takachunyi wolo lata Mukulou.

Rosee lo, kikurup Mukulogh nyo tulil, ompo wolo, motupisonye otini akonga. Mutung nye lopoyun nko tuwun linyogh. Memukonye mukulou chí kuluku kopo Tororot, aku napo, kopono Onyot. Rosee malaikayan nyíno lee, ngolionto Tororot lo, kiwechu kegh, akurosu lot, lo anta kotoí chichete napo ngat, le Monungaí kile kipoton kimla kau akusom kotogh kwanta nko Tororot, ompo Paraku omisho, nyino kiomoí Sokoo Mulunchoii kau, nko nyarul nyo wow nyo Kíriam tukwil, otíno kingeta katangwa. Ompo Paraku mugho, nko kotogh nyopo Man, kikotochu nyinte kwanta, akwighchu nyinte ghichon nyo wow nyoman, kuyenchu tany (Mosor) wolo yee, ompo kiporunoto mukulou chichu, Motung nye kotogh anta kumulechu Tororot kusom lastagh nko tulilun. Kinònut Po chichetenyu, kikepela ma kunogho. Tungeto yitun cho mokulumocha ngala Tororot napo. Tungeto konyun cho Mosuwuyicha Purum nyo mí taunyi. Mokuminye aras napo ompo nyinte anta kotogh, kegh yee nyu, Pat ngokichi lokonyun. Kikumang onyot mukulounyi akupaita. Mucho yee ompo Sany, kwoloí kegh chichu ompo koromnyenyi, lee Par sukon nyo kikunyura Munyan nyo rel; wolo nyu oríi mikoo nko Pany cho kinuno. (Matayo 23:27). Papoto

Putu, kicheny Poroyun Po mukulou man ompo nyinte.

Ngoku walak nko walak, tungeto oy cho ngorokoí. Kupoitoi mukulou chí, kurkegh komoroí chichete kutiaka kegh, wolo mokumukoi nye ompo wolo kiluku nyînte sekeyon. Mi yee nyu nyinte kunyoru ngalechaí, Kimwa kiyoghtoghinto Petro: "Osuwuyekwa lo ne? Kimomuchu nye so sitot chi, nyo kitiakata wero Tororot, akuyit kison-kachi kuluku kule, akwighchu Ptekwernon mukulou Poropcho. (Eprania 10:29-31; 2 Petro 2:1-14).

Ki-somonin, otolata Mukuloungu nyoni, lokino Tororot nyoman, ompo wolo mukoí nyinte kulostowunyi, akutililinyi, oto Ikotenyi ompo mukulogh nyopo Man. Napo mukoi Tororot kurat Onyot, nko lukenyi, akuwirchu nyinte sany Po mukuloungu, oto Ichamanyí Kwigh le nyoni. Nyonchìno Yeso lee chichaí kíamate somewo Kogh, lo, otomukenyi Itulilante, kulo Yeso omukan, tulílituno (Marko 1:40-43).

Wolo, otoighanyi mukuloungu kuangerit, aichamanyi tuwun, kutul lopoyun ku mominye kingorokutyo ompo nyi, ompo wolo kikulanyi Meghat kusir sapon, tuwun ompo lopoyun.

8. KIRWOKO CHIPO NGOKU
PICHA MUT NKO ANGWAN



Ompo Pichanu, kusuwuyí chemwokiýon nyo tungeto mukulogh nyo ang'er ompo wolo kimula lot. Kinyunghu Mughto nko meghat orinyi, nyo kíungun amengutu. Ngarekíó ngoku kiwonyo, akikwítuta otino nyoru nyinte ropowo ngoku. Ketor ngwonun Po Ma kuliop mukulounyi, kulo awagh, Mominye wole rupchini nyinte. Kulo omuku asagh, wolo kicho, momínye linyogh nko Tororot. Kulo anan ngala kongot, Mokungorokoí nye nyingte, kikuluku kule.


Kulo, aros tukuchi, Mosorunye nyinte, kurkegh ropuyen cho kisup nyinte nyanye kokai. Memuchoí nye, to kungusa kegh nyinte ngwonun, anta tas, konyiswechi. Kulo anan Paraku Tororot, kiwonyo Poroyun. Kugh anka tukwil nyo kichomo kegh nyinte ompo ngunyinete kitagh nyinte. Kurkegh kintoghoghichi chaì kilus nyínte, Meng'orokoì nye nyonikuny.

Ketor yee nyu, kupkochu lo, kicho, gha kupoto chí ori - Po Tororot nyo satate. Kupurchu nyinte kunyoru Man, otino kikasa, wolo kupoto Man. Kimegho Pich cho chang ompo otioagh, otino kingunchu chane. Meghat lawel, kupurio kotogh. Kule nyono nyu, mwoghoi ngolíon lo, ayara Tororot otino tokurumu.

Mokumí nye yee nyu, Poroyun nyo tokulumoí chíchú, ngolionto Tororot, ompo wolo mí kumeghotoí, kitagh nyinte Poropcho nko chomnyo Tororot ompo Sopontanyi. Yee nyu muchinote kulum kuti kirwokintenyi. Kulenchini, ngetena taunyan, nyi nyo ichu chupote, wuyo tanga Ma-Po kokaî, wolo mí onyoto nko oy. (Matayo 25:41). Kikurorchu Ptangengmot meghat kunyul akonga, akwotino kama kuluku kirwok. (Eprania 9:27).

Copyright ANGP

9. MUKULOGH NYO KILOTISHO



Ompo Pichanete, kusuwuyi chipo Kristo nyopo
Man, otíno kimeghoi, akurunya tiomut chopo

Por nko Onyot. Kikutiam nyinte Onyoto ompo wop Lachim, wolo kirunya nyinte Kilot nyinte Ompo wolo kitopon Yeso Kristo. Nyinte (Yeso) nyo kitowu kighanatenyo. (Eprania 12:1,2). Onyot nko lukenyi, Pestochini mukulogh nyo ghonoí, akumukíni kuyoroí wolo lutuno, wolo Purio nyu. Anaun nko chamata ropiyen, kulo mukulou cheporesnun, mi, kukony-konyoi.

Nyino Koto kukiy nko moril, kuluku kwagha nko sukurio, ompo wolo woghokoi ngoku kegh, osis ompo osis, kuluku lee kugh anka, anta kuro kegh kainat anka. Wolo chipo Kristo nyo chukanat suwuyi ngoku ompo korkoyín anka tukwil, kurkegh kupka ompo kainata Dini, anta Pka lee, Malaíkayanta lopoyun. Ompo wolo ngolíonto Tororot, nko Mukulou Man orinyi kuntoghoghchíni ompo Man lachim, akungorokoi kungutu Koromnyo nko ghoyun.

Tukun cho sopuloch, nko Oy, Imukenyi suwuye chí otopirono tau kighonin, nyo chuchumat, akunomoí mpalau kumun, ompo ewunechi. Tiomoi chipo Kristo ompo tupo ngunyinete nko Pironoto Tamasa, wolo ngokichoni, metimtimoí nye chipo Kristo nyo lee kulan, akipakach ngoku nko kulan Po nguny. Akwompo Paraku ngale - choni kirich nyinte Tororot. Kupara chi anka nyínte rotwo.

Choní lakau tortoroi Mukulounyí. Chuput, murchinogh Po ngal, Sosut, mughut lachim pkono wolo mi Pich cho mengutcha, chepolkostin. Wolo nyu chipo Kristo nyino chuchumate soghsogh'ho kegh ngolion nyo kimwa Yeso lo, ochikwa soyonote oto chopookwa Pích kong akungalane nokwa nyo gha, ompo Putinton Parakunyan. Ongorekieno aturoncho ompo wolo wow ropowontengwa, nyo mì Yim. (Matayo 5:11,12).

Ngoku, Por nko Onyot, cho mukíní nyoman kutoroi Pipo Kristo nko chomnyo Tororot. Wolo ompo nyakanat mwoghoí Pípo Kristo lo, eku ng'o nya weí, nyo muchoí kupesio necha nko chomnyo Kristo, nyarul nya anta kompolelyo, anta kichopota Kong, anta Kikar, anta Meíwonton, anta tapan anta meghat? Wolo ompo ngal lowur, kulotecha ompo nyinte nyino kichamecha (Rumí 8:35-39).

Ompo kelaach kari luk, lakau chopo Tororot, nyo lotoí tiomut ompo owesyo Mukulogh nyo Tilil, Por nko tiomut-kachí lachim Ngutuno lo, otomi Kristo orinyi kutungeto owesyo kutul Onyot nko lukenyi, ompo wolo nyinte nyomí Orincha, kuwow, kutil nyinte nyo Mito nguny, Onyot. Yeso Kristo Ki lot onyot akulot Meghat

nko ngoku, akwompo nyinte, kíchicha lotu, cho, nyoru tenta nyopo ororyo.

Tapogh Po Kinonut-kachí kurumunot aku-kwer kwerei nyonran. Mukulounyí kinyughu Kighanata nko Mukulogh nyo Tulil. Malaikayanta Tororot nyo nonchini nyinte, ayomis Po Tororot ompo chane cho lotoí, akughioncho takwit Sorom. (Ngangat 2:7,11,17,26; 3:5,12,21). Mlaa ropien nyona yatat kut, Poroí lo melo mukulounyi Pat, wolo ato ropienichí, nko, lowír cho tingeto nyinte, kutoni Tororot.

Ropienichí chopo arawa, melo Igho ngoku, wolo, ngorokoí meí, akutoni Tororot kareran Po taman nyopo Tukuchi Lachin. Ompo orr anka tukwil Poghishegho ropienichi ompo ororyo Tororot ongut, lee, ataí, toní Tany Mosowon cho, kulenye nyoni kighonintonu ompo Tororot. Makatian nko Koghokwo ompo Pichanete, kuporoi lo, Mongisiyi chiche te ompo tulilun. Mog'heg'hoi nye kumon, anta gha kison, anta am tukun cho komegho, anta yup tapa, ompo wolo ngut lo, Portanyi kumuchinot kutililit ompo wolo kopo Tororot.

Kopo Soghut mukulounyi, akuwetoí nyinte tuyotun chik, nko kanisa. Soghoí nyinte kuteno

osiswo. Supoi nyinte Pikachi chopo kau akusoghichini lakau, ompo wolo, ngut nyinte lo, Mominye Mong'ot nyo karam oto Purio soghut, luku chí lee koghokwo, nyo kotenchi Pogh. Pukunono Isuwuyenyi yatate, Poroí lo, ngolionto Tororot, Ku Puku nyo yatate ompo nyinte osis lachim. Pipilia ku lopoyuntanyi aku chokenyi nyo runyteghe onyot, Pipilia. Ku makatiantenyí nyopo Sapon osis ompo osis. Pipilia ku poghechi cho nukoí maralunyi nyopo mukulogh.

Osís ompo osis, mwoto Portanyi ngolionto Tororot aku napo, kiyo nyo milo kegh, nyinte. Chomo kegh nyinte kusîtoî kimurte won, tokunonchini nyinte lo kikeudo nyinte nko Kristo, akikututu nyinte nko Yeso ompo relun, kulenyona nyu, yoroí nyinte ngala Parak, chíno Po Kokai mosuwuyinye chi. Mi kupsach kuriam nko Tororot. Lenye ket nyo kipita champilwa nyo mí Pogh, akuyínoí akwa ompo osiswechi Lakau.

Napo kiluku lee ket-po sapipchon, nyo Po Man, akuyínoi akwa cho chang. Kinyughu chomnyo Tororot sopontanyi amewoghoi nye meghat. (Ngotunyo 1:1-3; Yoana 15:1-14; 4:18-21).

10. KAYINO MI ORORYO



Kimwa Yeso lo, ochan kitutunot nko Sapon, onka tukwil nyo ghonanun, kusopoy kurkegh kima. A

kwanka tukwíl nyo satate akughonanun kumomeghoi nye kokaí. (Yoana 11:25,26). Omwowokwa nyoman lo, anka tukwil nyo lumoi ngalechan, akughan nyinte, nyo kiyokwanun, kutungeto Sapon nyopo kokai. Melo kirwokini nyinte wolo kingetuno meghat akulit sapon. (Yoana 5:24).

Omwowokwa nyoman lo, anka tukwil nyo lumoi ngalechan, akughan nyinte nyo kiyokwanun, kuting sapon nyopo kokai, Amelo kirwokini nyinte wolo kikongetuno kirwok, akulit sapon nyopo kokaí. (Yoana 5:24). Motinye Meghat Purotokegh ompo chipo Kristo ompo wolo kikenyukugh akerinyta. Ayo meghat, miono lotatengu nya? Akumi ono onesyengu nyopo ngwonun nya meghat? Wolo keyokino Soro Tororot, nyo lotwech kuweruno werinyi Yeso Kristo (1 Korinto 15:54-57).

Chi anka tukwil nyo ngit Tororot mewoghonye meghat, otino Ka-Kwit asis nyo ngeto ngunynetete, wetoi ompo ngorekio, kutongoi kopo sapon. Kimwa Paulo lo, oprichinan tya owo otopo nko Kristo, ompo wolo, karam nyoman Kusir tukwin lowur (Filipi 1:23). Mochoi chipo Kristo kusuwa takochu Yeso, nyino kimeghchu, nyínte ompo kimurtewon, akumulita Kisonkachi.

Nonchini mukulogh nyo Tulil ngal cho kimwa Yeso lo, makany kusus kegh Mukuliskokwo, aghanakwa Tororot, aghananun tukwil ompo wolo mi korun cho chang, katoos paponyan Owetan, amlonan napo, tamtokwa katanyan, atokuwolno omitan omitekwa kokai nko ani. (Yoana 14:1-4). Tomanye kusuwa kong, anta yit kilim, anta tomoye kulit Mukulou Ptangengmot ngala cho kirorchu Tororot Pikachi. (1 Korintho 2:9).

Ompo nguny, Mominye kut nyo Muchoi kumwa, wolo lata koromnyo nyopo Yim, wolno kiwo Yeso kwichi Pich, cho ghonoi nyinte. Ompo Pichanete po taman, poroi wolo lata chi nyo ghonoi Yeso, otino wetoi kau yim. Nyino kotengunoi Papoto meghat kuchengoi nyinte, ompo yete, kusuwiyi malaikayanta Tororot, kuyodoi mukulogh nyo nyughitate Man. Ompo yete, kumi ketiokoi Sapon nko mukulogh kungeta Por, tokep ka Tororot nyinte nyino kichamecha. Mito Tororot kukonyoi Pich ompo taunyi. Mwochini Echotion lo, Ichinyi sekeyon nyo karam aku kighonin. (Matayo 25:21). Motung nye, Onyoto owesho Parakunyi, ompo wolo po oliot megha chipo Tororot. (Tumwoy 116:15). Aluman kut kunguna yim lentoy, kira lo, soyomote Pich cho Meghsot, kungata yee,

kutang tagh, kupoghischechini Echotion, kuyoku mukulogh lo, owei lenye nyoni, nyoman.

Sukoy chane kiminy ompo kighotikwa ompo wolo ripei chane Ighisheut kokwa. (Ighisheut 14:13). Nyí nyo Isomonoí Pukunete, nyakungarakín Tororot, tono Yeso Sopontongu ompo wolo, lendoi nyínte, montanyu, konanin Sopontong'u taghan kuten. Mechomchu sopengu ngoghomnyo tomepot ompo ortuna ngoku, ompo wolo nyinte nyo kono mukulounyi, kusolwo.

Pakacha ngokiku ainam Man, ompo wolo ropowo ngoku kumeghat nyopo kokaí, wolo ropowo Tororot ku Sapon nyopo kokai, ompo Yeso Kristo Echotiontenyo. Nyi nyo kito Tororot sopeng'u, nama kiporunot nyopo ngala sapon, ompo kighanat nko chomnyo Tororot ori po Yeso, ompo wolo ingutonyi nyinte nyino Ighonenyi lo, mukoí kuripoy kiyini makat takwit asisini.

Ateka kighanatengwo kutililit nyoman, asagha ompo mukulogh nyo Tililil, oripeno kegh chomnyo Tororot, otopono Yeso kitorin nko kiwonyin nyopo kighanatenyo, napo nyínte nyo mlo lawel, aku Poítoghinto Poítoghu. Nyinte nyo mukoi kuripokwa, akughiyontokwa tau ororyenyi,

kupurio kemerian ompo ngorekyo nyo wow.
Tororot ongut nyole ghetinteny ompo Yeso
Kristo Echotienteny. Nyenyí wowun nko owesyo
nko Paitagh kungata konyishok nko yee, nko
kokai owei (Yuda 24,25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacte-se para confirmação do último preço dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre littérature, nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traduções de nossa literatura em outras línguas. Vossa assistência será muito apreciável.

Se tem encontrado a salvação em Cristo, ou se tem sido abençoado por intermédio da nossa literatura evangélica, faça o favor de nos informar. Pois nos gostaríamos de agradecer a Deus juntamente convosco, e lembrá-lo sempre em nossas orações.

For free Gospel literature, books and tracts in over 538 languages, write to:

Pour obtenir gratuitement de la littérature evangelique, des livres et des traites en plus de 538 langues, ecrivez a:

Para obter gratuftamente a literatura evangelica, livros e folhetos em mais de 538 lnguas diferentes escreva para:

www.angp-hb.co.za

info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations

Une Mission de littérature evangelique financee de dons

Missao de literatura Evangelica financiada por donativos

(Reg. No. 1961/001798/08)

The “HEART OF MAN” books can be viewed and downloaded using the following link:

www.angp-hb.co.za